



新銀丹溪朱先生心法大全卷之二

○中風第一

中風大率主血虛有痰治痰為先次養血行血或作屬虛熱火與濕又須分氣虛血虛○半身不遂大率多痰在左屬死血在右屬痰有熱氣虛○左以四物湯芫仁紅花竹瀝姜汁○右以四君子湯二陳湯加姜汁竹瀝○痰壅盛者口眼喎斜不能言者皆俯用吐法一吐不已再吐輕者用瓜蒂一錢或稀涎散或蝦汁以蝦半斤入醬葱姜等料物水煮先喫蝦次飲汁後以鵝翎探引吐痰用蝦者蓋引其風出耳○重者引藜蘆半錢或三分麝香少許麝汁調吐若口噤昏迷者灌入鼻內吐之○虛者不可吐○氣虛卒倒者用參芪裯之有痰濃煎參芪湯加竹

瀝姜汁○若血虛者用四物湯俱用姜汁炒恐泥痰故也有痰
再加竹瀝姜汁入內服能食者去竹瀝加荆瀝○肥白人多溫
用烏頭附子行經○初昏倒者指人中至醒然後用痰藥以二
陳湯四君子湯四物湯加減用之瘦人陰虛火熱用四物湯加
牛膝竹瀝黃芩黃柏有痰者加痰藥○筋枯者動則痛是無血
不能滋養其筋不治也脉訣內言諸不治證見則不可治○治
痰氣實而能食用荆瀝氣虛少食用竹瀝以二味開經絡行血
氣故也

肥人中風口喎手足麻木左右俱作痰治

貝母

瓜蒌

南星

荆芥

防風

羌活

黃柏

黃連

白朮

陳皮

半夏

黃芩

薄桂

甘草

威靈鮮

天花粉

內經以下皆謂外中風邪然地有南北不可一途而取惟劉守
真作將息失宜水不能制火極是由今言之外中者亦有但極
少耳又不可全謂將息失宜而非外中也

許學士謂氣中者亦有此七情所傷脉微而數或浮而緊緩而
遲又也脉遲浮可治大數而極者死若果外中者則東垣所謂
中血脉中藏中府之理其於四肢不舉亦有與痿相類者當分
之局方風痿同治大謬發揮甚詳子和用三法如的係邪氣卒
中痰盛實熱者可用否則不可風者百病之始善行如數反行
者動也風本為熱又勝則風動宜以靜勝其燥養血是也治須
少汗則虛其衛多下則損其榮治其在經雖有汗下之戒而有

中藏中府之分中藏者宜下之中府者宜汗之以雖合汗下亦不可大過汗多則亡陽下多則亡陰亡陽則損其氣亡陰則損其形初謂表裏不和須汗下之表裏已和是宜治之在驚其中府者面顯五色有表證面脉浮惡風寒拘急不仁或中身之前身之側皆曰中府也其治多易中藏者唇吻不收舌不轉而失音鼻不聞香臭耳聾而眼脊大小便秘結或眼合直視搖頭口開手散遺溺痰如拽鋸鼻鼾皆曰中藏也中藏者多不治也六定宜以大藥養之尚順時令而調陰陽安藏府而和榮衛少有不能愈者中府風者先以加減續命湯隨証發其表如兼中藏則大便多秘澀宜以三化湯通其滯初証已定別無他疾以大藥和治之大抵中府者多著四肢中藏者多滯九竅中府者多兼中藏之証至於舌強失音久服大藥皆自愈也又因氣中其証與風相似但風中多痰涎氣中口無涎治之之法調氣為先經言蓋治風者以氣理其風氣順則痰消徐理其風庶可收效又有中風言不妄志不亂痰在分湊之間者只宜溫卧取小汗為可復也

凡中風脉多沉伏大法浮遲者吉急實者凶○先用麻油調麴合香丸或用姜汁或用白湯調如口噤快開灌之稍甦則服八味順氣散若痰甚者只以省風導痰湯服之若中則昏沉不省人事口噤急以生半夏末吹入鼻中或用細辛皂莢為末吹之噴嚏則用無嚏者不治○肥人中者以其氣盛於外而歉於內

也肺為氣出入之道肥者氣急火肺邪盛肺金剋肝木膽為肝之府故痰涎壅盛所以治之又先理氣為急中後氣未順痰未除調理之藥惟當以藿香正氣散和星香散煎服此藥非特可治中風之証治中風中惡尤宜尋常止嘔多痰者亦可用之○若前証多怒宜小續命湯加羚羊角熱而渴送湯中去附子加秦艽半錢恍惚錯語加茯神遠志各半錢不得睡加酸棗仁半錢不能言加竹瀝一錢殼許人虛無力者去麻黃加人參如其數○若人自甦能言能食惟身體不遂急則牽騰緩則躄曳經年不愈以加減地仙丹常服○若飲食坐卧如常但失音不語只以小續命湯去附子加石菖蒲一錢○治風之法初得之即當順氣及日久即當活血此萬古不易之理惟可以四物湯吞

活絡毋愈者正是此義若先不順氣化痰遽為烏附又不活血徒用防風天麻羌活輩吾未見能治也又見風中於膚膜輒用腦射治之者是引風入骨髓也尤為難治深可戒哉如口喎斜不正者以草麻去殼爛搗右喎塗左又喎塗右或鱖魚血射香少許塗之即正○捷嚏初卒倒僵仆不知人事急以皂角末或不卧散於鼻中吹之就提頭頂髮立甦若有嚏者可治無嚏者不治○經曰風從汗泄以可微汗正如解表○實無汗者散之解之飲表○虛自汗者溫之解之○若氣滯者難宜吐之痰氣實壅合者口眼喎斜或不能言並可用吐法○可下者以因內有便溺之阻隔故理實若三五日不大便者可與稅要一化湯或子和搜風丸老人只以潤腸丸○理氣者氣滯氣鬱肩膊麻

痛之類此七情也宜為樂順氣八味順氣之類○理以血者無
表裏之急而弱舉發不時者用大秦芫湯或羌活愈風湯兼用
化痰丸子○灸可灸風池百會合谷曲池風市絕骨環跳肩髃
二里等穴皆灸之以擊竅疎風

附方

通頂散 治中風氣昏憤不知人事急用吹鼻即甦

藜芦 生甘草 川芎 細辛 人參 各一石膏 伍

右為末吹入鼻中一字就提頭頂中髮立甦有寔者可治

稀涎散 治風忽然若醉形體昏悶四肢不收涎潮搐搦

猪牙皂角 四條去黑皮 白礬 一瓦

右為末每服三字溫水灌下吐出涎便醒虛不可大吐

八味順氣散

白朮 白茯苓 青皮 香白芷 陳皮 去白 天台烏藥

人參 已上各 甘草 伍

每服五錢水一鍾半煎七分溫服仍以酒化蘊合香丸

烏藥順氣散

麻黃 陳皮 台烏 各一 白姜 蚕 炒 川芎 枳殼 炒

甘草 炙 白芷 桔梗 各八 乾姜 五錢

右每服五錢水二盞生姜三片棗一枚煎服

星香湯

南星 八分 木香 二分 每服四錢姜十片水一鍾煎服

省風湯

南星八分 防風四分 獨活 附子生去皮 全蝎炒 甘草生 各三

每服四錢六一鍾半生姜十片煎服

小省風湯 與導痰湯相合煎服

防風 南星生各四分 半夏 黃芩 甘草生各二分

小續命湯

麻黃 人參 黃芩 芍藥 川芎 甘草炙

杏仁炒去皮尖 防已 桂枝各 防風半 附子炮半

每服五錢水一鍾半姜三片枣一箇温服取微汗隨虛實與所

中輕重加減于后○若執者去附子入白附子亦可○筋急拘

挛語遲脉弦加意法以仁○若筋急加人參黃芩芍藥以避中寒

服後稍輕再加芎歸○喘噪不大便去附桂倍加竹瀝芍藥○

如大便三五日不去胃中不快加枳殼大黃○如語言蹇澁手

足顫掉加菖蒲竹瀝○若發渴加麥門冬葛根瓜蒌○身痛加

羌活橘者亦如之○煩燥多驚加厚角羚羊角○汗多去麻黃

家寶丹 治一切風疾癱瘓痿痺不仁口眼喎僻者邪入骨髓服

川芎 南星 五靈脂用姜汁製另研 草烏冬六 白附子

全蝎 沒藥 辰砂各二分 羌活 乳香 姜蚕炒各

片腦五 天麻 雄黃一分 輕粉一分

右為末作散調三分不攪半錢或蜜丸如彈子大噉化茶酒皆可

如神救苦散 治癱瘓風濕痿走注疼痛不止此劫劑也非痛不

可復痛止則已

粟壳一及去頂 陳皮五分 虎骨酥炙 乳香研末 沒藥研

行藥心法

二

六

甘草各二 右為末每服三錢水一盞煎連查服病在上食後在下食前時時攪之

大秦羌湯 治中風外無六經之形証內無便溺阻隔但血弱不

能養筋故手足不能運動舌強不能言語宜養血而筋自柔

秦艽三升 甘草 川芎 當歸 白芍 石羔各二

羌活 防朮 黃芩 白芷 白木 生地黃

熟干 茯苓各一 細辛半升 獨活二升

右以咀每服一兩水煎服無時如遇天陰加生薑安心下痞加枳實一錢

三化湯 外有六經之形証先以加減續命湯治之若內有便溺之阻滯以承湯主之

厚朴 大黃 羌活 枳實各半

每服三兩水煎服以利為度○法曰四肢不舉倍曰癱瘓故輕

所謂太過則令人四肢不舉又欲上太過則敦厚又高也敦厚

也既厚而又高則令除去思真所謂高粱之疾非腎肝經虛何

以明之所謂三陽三陰誤病偏枯痿易經四肢不舉三陰不足

則誤偏枯三陽有餘則為痿易又為安易常用而痿弱無力也

其治別瀉金氣弱陽衰土平而愈故以三化湯下之若脾虛則

不用也經所謂土不及則卑陷卑下也陷坎也故脾病四肢不

用四肢皆直氣於胃而不能至經必因脾乃不得稟受也今脾

不能與胃行其津液四肢不得稟水穀氣日以衰脉道不利筋

骨肌肉皆無氣以生故不用為其治可大補十全散加減四物

湯去邪番正

命風湯 中風証內邪已除外邪已盡防邪此藥以行通諸經又服大風悉去縱有微邪只從此藥加減治之然治病之法不可失其通塞或一氣之微汗或一旬之通利如此為常治之法也久則清濁自分榮衛自和如此覺風動服此治倒汗

羌活

防風

甘草

蔓荊子

川芎

細辛

枳壳

人參

麻黃

甘菊

枸杞子

薄荷

當歸

知母

地骨

黃芪

獨活

杜仲

吳白芷

秦艽

芷胡

半夏

前胡

厚朴

熟芩

防已

扶苓

黃芩

芍藥

各三

蒼朮

生芩

各四

桂心

一

及

右剉每服一兩水二鍾生姜三片煎空心一服臨卧煎服○空心一服吞下二丹丸為之重劑臨卧一服吞下四白丹為之重劑動以安神靜以清肺假令一氣之微汗用愈風湯三兩麻黃一兩作四服一服后以粥投之得微汗則佳如一旬之通利用愈風湯三兩大黃一兩亦均作四服之前服臨卧一服得利為妙常服之藥不可失四時之轉如望春大寒之後加半夏二兩通四兩此胡一兩通四兩人參二兩通四兩芩迎而奪少陽之氣也望夏之月加石膏二兩通六兩黃芩二兩通五兩知母二兩通四兩調迎而奪陽明之氣也季夏之月加防風防已二兩通四兩白朮二兩茯苓三兩通五兩謂脾土之濕也初秋天暑之後加厚朴二兩通四兩藿香一兩桂一兩通二兩謂迎而

奪太陰之氣也霜降之後望冬加附子一兩通二兩當歸二兩
謂滕少陰之氣也得春減冬四時類此又雖立法於四時之加
減更宜臨病之際審病之虛實寒熱土地之宜邪氣之多少此
藥俱七情六慾四氣無使五藏偏勝及不動於榮衛如風秘服
求不燥結此藥與天麻丸相為表裏治未病之勝藥也無間男
婦小兒驚癇抽搐急慢驚風等病服之神效

四白丹 治清肺氣養魄請中風多昏憤胃氣不清利也

白朮 赤茯苓 人參 縮砂 各半 白芷 一兩 白檀

防風 川芎 甘少 各五 香附 五 龍腦 另研 牛黃 各半

羌活 獨活 各三 知母 細辛 各二 薄荷 三 甜竹葉 二

射香 一 藿香 一 研

為末煉蜜丸每兩作十九丸即嚼一九上清肺下強骨髓

二丹丸 治健亡養神定志和血

丹參 熟棗 天門冬 法麥門冬 各一 人參

菖蒲 五 丹砂 五 甘草 各一 遠志

為末煉蜜丸如梧桐子大每服五十九丸至百丸空心服

瀉清丸 治中風自汗昏胃發熱不惡寒不能安卧此是風熱煩燥

當歸 龍膽草 川芎 梔子 羌活 大黃

防風 各等 為末蜜丸如彈子大每服一九酒葉湯下

天麻丸 治風因熱而生熱勝則動宜以靜勝其燥是養血也

天麻 生藤 各六 草解 另研 玄參 六 附子 一

杜仲 七 羌活 十 當歸 十 生棗 一 獨活 五

為末蜜丸如桐子大每服七十九空心溫酒白湯皆可下

○痛風第二

四肢百節走痛是也他方謂之白虎歷節風證○大率有痰○風熱○風濕○血虛○因於風者小續命湯○因於濕者蒼朮白朮之類佐以竹瀝○因於痰者二陳湯加酒○因於血虛者用芎歸之類佐以紅花杏仁○大法之方蒼朮川芎白芷南星當歸酒黃芩○在上者加羌活威靈仙桂枝○在下者加牛膝防已木通黃蘗血虛格致餘論詳言多用芎歸歸杏仁紅花薄荷桂威靈仙○治痛風取薄桂味淡者獨以能行手臂領南星蒼朮等藥至痛處

痛方 治上中下疼痛

南星 姜制 蒼朮 米泔浸 黃石 酒炒 川芎 白芷 神曲 一丸

菝葜仁 半丸 威靈仙 酒浸 羌活 去骨 防已 下行 桂枝 各五

紅花 二各半酒浸 草龍膽 半斤下行

右為末糊丸如桐子大每服一百丸空心白湯送下

張子元痛風方 治血氣虛有痰白濁陰火痛風

人參 一丸 白朮 熟苧 川黃百 炒黑各一丸 山藥

海石 南星 各一丸 瓊陽 半丸 乾姜 燒灰半 魚板 酒浸一丸

右為末粥丸一云酒糊丸

臂痛方

蒼朮 五各 半夏 南星 白朮 酒芩 炒 香附 各一

陳皮 茯苓 各半 威靈仙 三 甘草 少許 右吹咀作一服

治一人臂痛

半夏一分 蒼朮

陳皮

南星

茯苓半斤

酒芍

炒

白木

香附半斤

甘草五分

右以咀水煎一服如神効

控涎丹

治一身及兩脇走痛挾死血者加杏仁泥丸服

甘遂制

大戟制

真白芥子炒各等分

加杏仁

右為末糊丸如桐子大每服五七丸漸加至十九丸臨卧姜湯下

其妙散治筋骨疼痛因濕熱者有氣加氣藥血氣者加補血藥

痛甚者加生姜汁熱辣服之

又方

黃柏炒

蒼朮

米泔浸炒

右二味為末沸湯入姜汁調服二味雄壯之氣表實氣實者加酒少許以佐之

又方 治痰帶熱者先以舟車丸或導水丸神芎丸下伐後以慈

痛散服之

乳香

沒藥

菴仁

紅花

防婦

地龍

酒炒

牛膝

酒浸

羌活

甘草炙

五靈脂

酒浸

香附

薑便

或加酒芍

酒黃芩

右為末酒調二錢服

龍虎丹

治走注疼痛或麻木不遂或半身痛

草烏

蒼朮

白芷

各一分碾為末拌

乳香

沒藥

各二分研

防婦

牛膝

各五分

右為末酒糊丸如彈子大每服一九溫酒化下

八珍丸

治痛風走注脚疾

乳香

沒藥

代赭石

川山甲

生用各三

羌活

草烏生用各五斤

川烏生用一及不去皮尖

全蝎二十一

右為末醋糊丸如梧桐子大每服十一丸温酒送下

四妙散

威靈仙酒浸五斤

羊角灰三斤

蒼耳斤半

白芥子一斤
右為末每服一錢生姜一大片搗汁入湯調服

又方 治酒濕痰痛風

黃稻酒炒

威靈仙酒炒各五斤

蒼朮

羌活

甘草一斤

陳皮

芍藥各一斤

右為末每服一錢或二錢沸湯入姜汁調下

治氣實未實骨節痛方

滑石六斤

甘仁五分

香附片各三斤

右為末姜汁糊丸如梧桐子大每服五七十九白湯送下

又方

糯米一盞

黃躑躅根一握

黑豆半合

右用酒水各一碗煎徐又服之大吐大瀉一服便能行動

又方 治食積肩腿痛

龜板酒浸

右為末酒糊丸如梧桐子大煎四物湯陳皮甘草下

治臂痛方

半夏

南星

蒼朮

黃芩各一斤

茯苓

甘草少許

威靈仙二斤

右為末每服二錢白湯調下

○遍身骨節疼痛晝靜夜劇如虎嚙之名曰白凡瀝即風並宜加減地仙丹或青龍丸等服之○又有痛風而痛有常處

其痛處赤腫灼熱或渾身壯熱以飲成毒宜敗毒散○如四肢

痛須用羌活去風濕宜用之○如肥人肢節痛多是風濕與痰

飲流注經絡而痛宜南星半夏○如瘦人肢節痛是血虛宜四

物加防風羌活○如瘦人性急燥而肢節痛發熱是血熱宜四
物加黃芩酒炒黃柏○如肢節腫痛脉滑者皆用燥濕宜蒼朮
南星蕪行氣藥木香枳壳枳即在下者加漢防已○若肢節腫
痛脉澁數者以是痰血宜桑仁紅花茵陳川芎及大黃微利之
○攻倦怠無力而肢節痛以是血虛蕪有破血流注宜參朮防
辛○凡治臂痛以二陳湯加酒炒黃芩蒼朮羌活

○頭風第三

屬痰者多○在右屬風荆芥薄荷○屬血虛川芎茵陳○在右屬
痰蒼朮半夏○屬熱酒芩為主○屬濕痰川芎南星蒼朮

又方

酒片芩一及蒼朮一及羌活各五防風各五細辛二及蒼耳三及

右為末每服三錢生姜一大片同搗勻茶湯溫起服之

又方

酒片芩五及蒼朮二及羌活二及蒼耳一及川芎一及

生甘草

酒黃連各一及半夏炒三及右為末服法同前

又方

酒片芩一及蒼朮一及羌活一及川芎各半蒼耳一及

細辛

右為末服法同前

又方

片芩酒炒三及白朮酒炒一及川芎一及細辛各三及甘草一及

右為末服同前法

瘦人搗藥

軟石羔一及朴硝各五及腦子一及京芥一及檀香一及

薄荷各一及

白芷一及細辛各二及右為末搗鼻內

頭風痒風屑髮黃

用大黃酒浸炒為末茶調服

一粒金搗鼻方

證治偏頭風

華撲

不拘多少研細用公猪膽汁拌勻再入膽內懸陰乾

藁本

玄胡索

白芷

川芎

各一

右為末入製華撲末一两半用無根水丸每用一粒

以長流水化開搗鼻以銅錢二三文口咬定出涎

小空青膏

治少陽偏正頭風疼亦治在太陽若厥陰頭痛不用

片黃芩

酒浸透

為末清茶調酒亦可○一方用酒浸炒為末濃茶調食後溫熱

攻頭痛

頭風用執藥多間有挾熱而不勝熱刺者宜消風散茶調散服

之○頭風發動頂後兩頂筋際吊起痛者看其人挾寒挾虛宜

三五七散○頭風九月取菊花作枕最良○素問論頭風者求

於風寒入於腦髓耶本事方論頰人患頭風者十居其半或者

頰人無中以禦風寒為耳男子間有患者若經年有愈者宜灸

頰會百會前頂上星等穴即差

○癘風第四

大風病是受得天地間殺物之風古人謂之癘風者以其酷烈暴

悍可畏耳人得之者可分在上在下夫在上者以醉仙散取涎

血於齒縫中出在下者以通天散取惡物陳虫於穀道中出取

虫雖有道路之殊然皆不外乎陽明一經治之痛者須知虫意

看其疙瘩與瘡若上先見者上體多者在上也若下先見者下

體多者在下也上下同得者在上復在下也陽明胃經與大腸

也無物不受此風之入人也氣受之則在上多血受之則在下

多氣血俱受者甚重自非醫者神乎病者鐵心罕有免矣夫從

上或從下漸而來者皆是可治之病人見病勢之緩多忽之理
按此法施治病已全然脫體若不能絕味絕色皆不免再發再
發則終不救矣某曾治五人已中間惟一嬾人以其貧甚無物
可吃也餘四人三年後皆再發孫真人云吾嘗治四五百人不
免於死非孫真人不能治也蓋無一人能守其禁耳此嬾人本
病後又是千餘貼加減四物湯半年之上方得月經行十分安
酥先散

胡麻仁

牛旁子

蔓京子

枸杞子

各半及同
炒紫色

防風

瓜蒌根

各五

右為末每一兩半入輕粉貳錢并心大人每用一錢空心日午

臨卧各一服茶湯調下吃後五七日服之在內出臭涎水

○丹造散
渾身覺痛昏悶如醉和下臭屎為度量大小虛實加減用之証
候重而急者須先以丹造散下之候補養得還復與此藥吃酒
斷鹽醬醋諸般肉魚腥椒料果實煨燒燻又加子等物只宜淡
粥煮熟白菜并烏稍菜花蛇用淡酒煮熟食之以助養本也

大黃

一刃 獨生皂角

一刃半

右為末每服二錢臨卧冷酒調下以淨桶候候泄如虫口黑
色乃是多年虫口赤色是為方近三日數又進一服直候虫
方絕根也仍用通聖散加減調理

○身上虺瘴血不榮於腠理所以養也

右為四物湯加黃芩煎調浮萍末服之

又方 凌霄花末一錢調下

黃精丸 蒼耳葉 紫背浮萍

大力子

烏稍蛇肉一升半酒浸去皮骨黃精陪前三味生搗汁和四味杵細焙乾

右為末曲糊丸如梧桐子大每服七十丸温酒下一方用黃柏

炒生地黃甘草節

又方

蒼耳

浮萍

鼠粘子

豆淋酒炒各等分

右為末每服一二錢豆淋酒調下

麻風丸 脉大而虛者

苦參七升 蒼耳

大力子

酒蒸柏各二

黃精

浮萍各一

右為末用烏稍蛇肉煮酒如無蛇以黑鯉魚亦可粥丸服

○此疾非止肺臟有之以其病發於鼻從俗平為肺風也鼻準腫

赤脈大而為瘡乃血隨氣化氣既不施則為之聚血既聚則使

肉爛而生虫也生虫者厥陰主之以藥緩疎之前局方升麻湯

下瀉清丸餘病各隨經治之

凌霄花散 治癘風

蟬壳

地龍炒

疆蚕炒

全蝎各七

凌霄花半兩

右為末每服二錢酒調下於浴室內常在湯中住一時許服藥

效之矣

東坡四神丹 治大風 羌活 玄參 當歸 熟地黃

右等分煉蜜丸如梧桐子大每服七十丸

浮萍散 治癩及風癬

浮萍一升 荆芥

川芎

甘草

麻黃

已上各半兩或加當歸芍藥

右為末每服一兩水二盞煎入葱白豆豉亦可汗出則愈

○纏喉風第五

屬痰熱○右用遠志去心為末水調敷頂上一遭重者燈油脚探吐之桐油亦可吐

雄黃解毒丸

治纏喉急喉風喉腫痛湯藥不下

雄黃

一兩

巴豆

去油

十個

王金

一條

右末醋糊丸如菴豆大熱茶清下七丸吐出頑涎出生更大効

○胃風第六

此因初飲食訖乘風涼而致其証脹滿食飲不下形瘦腹大惡風頭多汗膈色不通胃風湯正姑然此名看按証加減脉右關弦而緩帶浮

○癰第七

驚痰宜吐大率行痰為主用黃連南星瓜蒌半夏尋火尋痰分多分少治之無不愈者分痰與熱有熱者以涼藥清其心有痰者又用吐藥吐後用東垣安神丸吐後亦用平肝之劑青黛柴胡川芎之類

○癰証有五馬牛雞羊猪且如馬癰張口搖頭馬鳴牛癰目正直視腹脹雞癰搖頭反折喜驚羊癰喜揚目吐舌猪癰喜吐沫以其病狀偶類之耳非無痰涎壅塞迷悶孔竅發則頭旋顛倒手足搐搦口眼相引臂背強直叫吼吐沫食頃乃甦宜星香散加全蝎三個

續命湯

主癰發頓悶無知口吐沫出四肢角弓反張目反上瞤

不得言 竹瀝 一升二

生芋 升一 龍齒末

生姜

防風 麻黃 去即 附子 炮

防已 各一 石羔

桂枝 一升

右十味水一斗煮取三升分三服有氣加紫蘇陳皮各半兩

○但小兒癩千金有風食驚三種本事方又有陰陽癩慢脾風三證慢脾即食癩宜醒脾元人參散

古方三癩丸 治小兒百二十種驚癩

荆芥穗 二升 白礬 一升半

右為末麵糊為丸如黍米大朱砂為衣姜湯下二十九如慢驚用求優丹急驚三癩丸食癩醒脾元可也

寧神丹 清熱養氣血不時潮作者可服

天麻 人參 陳皮 白朮 歸身 茯神

荆芥 姜蚕 炒 羌活 遠志 去心 犀角 麥門冬 去心

酸棗仁 炒 辰砂 各五 守田 南星 石羔 各乙 甘草 炙

白附子 川芎 玉金 牛黃 各三 珍珠 各三 生芋

黃連 五 金箔 三十

右為末酒糊丸空心服五十九白湯下

○瘧第八

瘧切不可作風治兼用風藥大率與癩病相似比癩為甚為虛帶補多是氣虛有火兼痰宜用人參竹瀝之類

古方風瘧曰瘧也經云諸瘧項強皆屬於濕主是太陽傷濕也又云諸暴強直皆屬於風是陽明內鬱而陰行於外又曰陽瘧曰剛無汗陰瘧曰柔有汗亢則害承乃制故濕過極反兼風化

制之然蒸化者虛象實非風也

葛根湯 治瘧病無汗而小便少或惡寒者名剛瘧

葛根四升 麻黃三升 桂枝二升 芍藥二升 甘草二升

右以咀水二鍾生姜三片棗一枚煎取散汁

桂枝加葛根湯 治瘧病有汗不惡寒者服之其名柔瘧

葛根四升 生姜三升 甘草二升 芍藥各二升 桂枝

右作一服水二鍾棗一枚煎服一瘧皆可用小續命湯加減服

若胃滿口噤咬齒脚挛卧不着床者以大承氣湯下之無疑矣

○厥第九

氣虛血虛者多○因痰者用白朮竹瀝○熱厥用承氣○外感解

散藥中加姜汁酒○手足麻者屬氣虛○手足木者有濕痰死

血○手足心熱屬熱鬱用火鬱湯○十指麻木是胃中有濕痰

死血○有陰厥陽厥陰衰于下則熱陽衰于下則熱陽衰於下

則寒○足跟痛有血熱者有痰血熱用四物湯加黃柏知母牛

膝之類

厥者決也短也逆也手足逆冷也其正不一散之方書者甚多

今始撮大槩且如寒熱厥逆者即為陰陽二厥也陽厥者是熱

深則厥蓋陽極則發厥也不用則陰證而用熱藥治之精魂絕

而死矣息宜大小承氣湯隨其輕重治之所謂陰厥者始得之

身冷脉沉四肢逆足倦卧唇口青或自利不渴小便色白其

候也治之以四逆理中之車仍速灸關元百壯○又尸厥飛尸

卒厥其即中惡之候因胃犯不正之氣忽然手足逆冷肌膚粟

起頭面青黑精神不守或錯言妄語牙緊口噤或昏不知人頭
旋暈倒頭事卒厥客忤飛尸鬼擊吊死問喪入廟登塚多有此
病以蘇合香丸灌之候甦稍以調氣散和平胃散服各調氣平
胃散○痰厥者乃寒痰迷悶四肢逆冷宜姜附湯以生附代熟
附○蛇厥者乃胃寒所生經曰蛇者長也胃中冷即吐蛇虫
宜理中湯加炒川椒五粒楨即半錢吞烏梅丸効蛇見椒則頭
伏故也○氣厥者與中風相似何以別之風中身濕氣中身冷
以八味順氣散或調氣散如有痰以四七導痰湯服之

八味順氣散 方見中風門

調氣散 白豆蔻 丁香 木香 各二 藿香 甘草 各

砂仁 四升 右為末每服二錢入鹽少許沸湯點服

平胃散

蒼朮 淋浸五斤 厚朴 姜制 陳皮 各三斤

右為末姜三片束一枚煎服入鹽一捻沸湯點服亦得

四七湯 厚朴 三升 茯苓 四升 半夏 五升 紫蘓 二升

右服四錢水一鍾姜七束一枚煎服

○頭眩暈第十

頭眩○痰挾氣虛并火治痰為主挾補氣藥及降火藥無痰則不
作眩痰因火動又有溫痰者有火者溫痰者多宜二陳湯火者
加芩挾氣虛者相火也治痰為先挾氣藥降如東垣半夏白朮
天麻之類○眩暈不可勞者以大黃酒炒為末茶湯調下○火
動其痰用二陳加黃芩蒼朮羌活散風行濕○左手脉數熱多

脉澆有死血○右手脉实有痰脉大是久病○眩者言其黑暈
言其轉其狀目閉眼暗身轉耳聾如立舟船之上起則欲倒益
虛極乘寒得之不可一途而取軌也又風則有汗寒則掣痛
暑則熱悶温則重滯以四氣乘虛而眩暈也又或七情鬱而生
痰動火隨氣上厥以七情攻虛而眩暈也惑淫過度腎家不能
納氣歸元使諸氣逆奔而上以氣虛眩暈也○吐衄漏崩肝家
不能收攝榮氣使諸血失道妄行以血虛之眩暈也要尋致病
之因隨機應敵其間以升降鎮墜行爲最不可妄施汗下識者
將有採薪之憂○有早起眩暈須臾自定日以為常者正元飲
下黑錫丹○傷濕頭眩腎著湯加川芎各除温湯○發風川芎
芩調散○有痰青州白丸子

頭暈方

利痰清熱降火 或滾痰丸亦可

南星半斤 半夏一斤 桔梗七斤 枳壳一斤 陳皮一斤 寸炒半斤

茯苓一斤 黃芩七斤 右作一服生姜七片水煎食後服

香橘飲 治氣虛眩暈

木香 白木 半夏麵 橘皮 茯苓 砂仁半斤

丁香 甘草

右剉散水二盞生姜五片煎服○尚喘川芎官桂治血虛眩暈

白附子丸 治風痰上厥眩暈頭痛

全蝎半斤 白附子炮 半夏 旋覆花 甘菊 天麻

川芎 橘紅 姜蚕炒 乾姜生各 南星炮

右為末生姜半斤取汁打糊丸如相子大煎京芥湯下五十九

人參前胡湯 治風痰頭暈目眩

半夏麴 木香 枳壳炒 紫蘊 赤茯苓 南星炮

甘草炙各半 人參三升 前胡 橘紅各五

右剉散每服五錢生姜五片水煎服

芎朮除眩湯 治感濕感寒頭重眩暈

附子生 白朮 川芎各半 官桂 甘草炙各半

右剉每服三錢姜七片水煎服

茯苓桂枝白朮甘草湯 治氣上冲胃戰搖眩暈

茯苓 桂枝半 白朮 甘草炙各半

右剉每服四錢水煎服○風證加川芎細辛○溫證加川芎蒼

朮○寒證加乾姜良姜

○寒第十一

寒主手溫散有卒中天地之寒氣有口傷冷物必從中益氣湯

中加煖發散藥屬內傷者十居八九其法邪之所湊其氣又虛

只用前湯中從所視之証出入加減氣虛熱甚者少加附子以

行參芪丸証與傷寒相類者極多皆雜証也其詳出內經熱論

自長沙以下諸家推明甚至千世之下能得其粹者東垣也其

曰內傷極多外傷間而有之此發前人之未發後人徇俗不能

真切雷同指為外傷極謬其或可者蓋亦因其不敢放肆而多

用和斛及平和之藥散之宜若粗卒者則又殺人切有感冒等

證輕不可便認作傷寒妄治西北二方極寒肅殺之地故其甚

多南東二方溫和之地外傷極少雜病亦有六經所視之証故

狗俗混而難別胃氣太虛又當溫散理中湯相宜甚者加附子
○正治濕散宜桂枝四逆湯輩甚者二建霹靂散○從治用熱
藥加涼劑引之或熱藥漬俟冷飲最妙經曰從而逆之此之謂
也○反攻用煎烏頭之類

姜附湯 治中寒身體強直口噤不語逆冷

乾姜 一兩 附子 生去皮

附子 生去皮

右剉每服三錢水煎服○挾氣攻刺加木香半錢○挾氣不仁
加防風一錢挾濕者加白朮筋脉牽急加木瓜肢節痛加桂二錢

○暑第十二

暑証用黃連香薷飲○挾痰加半夏南星○乘虛加人參黃芪○
暑風挾痰挾火實者可用吐法秋初夏末頭痛脚軟食少身熱

者是○暑病中傷者用清暑甘露湯○注夏屬陰虛元氣不足
宜補中益氣湯去柴胡升麻加炒黃百白芍藥挾痰者加南星
半夏陳皮煎服又或用生脉湯

生脉湯

人參 麥門冬 五味子 右剉水煎服

暑渴方 生芩 麥門冬 牛膝 炒黃百 知母

葛根 甘草 右剉水煎服之如神効應

黃龍丸 治一切暑毒

赤亮雄黃 五斤 硫黃 硝石 一兩 滑石 明瓦 半斤

好麵 四斤 右為末水丸桐子大每服五七十九白湯送下

中暈是陽證中暑是陰證○脉沉弱者切不可用寒涼○清熱

宜天水五苓又曰白虎湯皆可○熱悶恍惚辰砂五苓散○脉
弦實黃連香薷湯○熱甚自汗而渴便澀者五苓分利之或桂
苓甘露飲○吐瀉脉沉微甚者可用附子大順散○伏熱傷冷
縮脾飲香飲子皆可浸冷服之○或刺蒜肉入鼻中或研蒜水
解灌之蓋蒜氣臭烈能通諸竅故也

消暑散

赤茯苓 生甘草 四寒食麵 生姜 各一

右為末每服二錢白湯調下

香薷散

白扁豆 炒 厚朴 薑制 香薷 各一

右水煎入酒少許沉冷服

大順散

甘草 乾姜 杏仁 肉桂 各四

右將甘草用白沙炒黃次入乾姜同炒令姜製次入杏仁同炒
不作聲為度用節去沙入桂為末每服二錢水煎温服如煩燥
井花水調服以沸湯點服亦得

十味香薷散

香薷 一乃 人參 陳皮 白朮 白茯苓 扁豆 炒

黃芪 木瓜 厚朴 姜製 甘草 炙 各半

右為末服二錢熱湯或冷水調下服

清暑益氣湯

黃芪 升麻 蒼朮 一乃 人參 白朮 神麩

陳皮 炙 甘草 炙 黃白 酒炒 麥門冬 當歸 三分 葛根 二分

五味 九個 澤瀉 半斤 青皮 二分 右剉作一服水煎

瘡第十三

瘡疾○有風○暑○食 痰○老瘡○瘡母

大法風暑皆發汗夏月多在風涼處歇遂閉其汗而不泄故也
因飲食者又自飲食得之無汗者要有汗為主有汗者要無汗
正氣為主一日一發者受病一月間一日發者受病半年二日
連發住一日者氣血俱病又此者係風暑入於陰分用血藥引
出陽分則散直

川芎

撫芎

紅花

當歸

黃柏炒

白朮

蒼朮

甘草

青皮

右剉水煎露一宿次日早食服

又方 治瘡一日間一日發者補藥帶表藥後以截瘡片截之若

在陰分者用藥掣起陽分方可截

穿山甲

草菓

知母

枳殼

烏莓

甘草

恒山

右吹咀水一大碗煎至半碗露一宿臨發日早服得

吐為順

又方 治瘡母以藥消導

青皮

桃仁

紅花

神麩

麥芽

三稜

鱉甲

醋煮蓬木

海粉

香附

已上並用醋煮

右為末丸如梧桐子大每服五七十九白湯送下

又方 治瘡寒冷頭痛如破渴飲水水外多汗出

人參

白朮

黃芪

黃芩

黃連

山梔炒

川芎

蒼朮

半夏

天花粉

右吹咀水二鍾姜三片煎服

瘧病感虛者須以人參白朮一二貼托住其氣不便下陷后使
他藥內又主痰以汗解散用二陳湯加柴胡黃芩常山煎服

又方 治瘧疾發渴

生苾 麥門冬 天花粉 牛膝 知母 葛根

黃栢 甘草 右咬咀水煎服

久瘧不得汗者二陳湯倍白朮蒼朮加枳郎○一方加柴胡葛
根一補一發不可直截

又方 治截瘧青蒿丸

青蒿 冬瓜葉 馬鞭草葉 官桂

右焙乾為末水丸胡椒大每兩分四服於齒發目前一時服之

截瘧方 檳榔 陳皮 白朮 常山 茯苓

烏毒 厚朴

截瘧方 白朮 半夏 黃連 白芍藥 陳皮

右為末粥丸如桐子大每服六十九丸姜湯下

世用砒霜等毒不可輕用俗謂脾寒以因名而迷其實也苟因
飲食所傷而得之未及全是寒况其他乎在其陽分者易治陰
分者難治瘧母又用毒藥消之行氣消腎為主東垣為寒瘧屬
太陽熱瘧屬陽明寒熱瘧屬少陽在三陰經則不分摠曰溫瘧
此言是但三陰經說不明任於子午卯酉日者少陰瘧也寅申
巳亥日者厥陰瘧也辰戌丑未日者太陰瘧也

瘧脈多弦但熱則弦而帶數寒則弦而帶遲必有病久而脉極
虛微而無力似乎不弦然而又于虛微之中見弦但不搏手耳

細察可見也。○瘧又名疔瘧者其證不一。素問又有五藏瘧六府瘧詳矣。初得病勢正熾一二發間未宜遽截。不問寒熱多少且用清脾飲。又草果飲。或二陳加草果半錢。或平胃加草果五分。柴胡五分。又或養胃湯加川芎草果各五分。熱少者進取微汗。寒多者宜快脾湯。服後寒仍多者養胃湯加附子桂枝各五分。獨寒者尤宜不效則七東湯。熱多者宜驅瘧飲。或參蘓飲。每服加草果半錢。大熱不除宜小柴胡湯。渴甚者則以五苓散入辰砂少許。獨熱無寒之與小柴胡湯熱雖劇不甚渴者本方加桂四分。或以柴胡桂姜湯候可截則截之。○久瘧又毋不治者宜四獸飲間服山甲湯。

清脾湯

青皮

草果

白木

厚朴

芫胡

茯苓

黃芩

半夏

甘草

右剉水煎。生姜三片。棗一枚。煎服。忌生冷油膩。

七東湯

附子一個炮。又以鹽水浸。再炮。汝正七次。酒浸。去皮。

臍。又方。川烏代附子。以水調陳壁土為糊。浸七次。○右分作二

服。水二鍾。姜七片。棗七枚。煎七分。臨發日早服。即愈。

治瘧飲

金胡

芫胡各四

桂心

桔梗

厚朴

半夏各三

黃芪

乾姜炮

甘草各

右剉水二盞。生姜三片。棗四枚。煎服。

山甲湯

川山甲

木別寺分

右為末。每服二錢。空心溫酒送下。

四獸飲

人參

白木

茯苓

甘草減半

橘皮

草果 半夏 束子 烏梅 生姜 等分

右對水煎服併進數服

小芤胡加桂湯 有汗要無汗正氣為主○或白虎湯加桂○無汗要有汗散邪為主帶補之以桂枝加黃芪知母石膏蒸湯或參芤胡飲子○熱多寒少目痛多汗脉大以大柴胡湯微利為度餘邪未盡以白芷石膏三物湯以盡其邪

六和湯

人參 知母 草果 貝母 烏梅 白芷

枳榔 芤胡各一 恒山二 右對水煎姜三片束一枚

秘傳清脾丸 治瘧三日一發或十日一發

姜黃三 白朮一 人參 枳榔 草果 黃芩

半夏 青皮各一 蓬木醋炒 厚朴半 甘草二

右為末飯丸如桐子大服六十九食遠白湯下一日一服

紅九子 消食瘧

胡椒一 阿魏醋化 蓬木 京三稜醋煮各一 青皮三兩

右為末另用陳倉米同阿魏醋煮糊丸如桐子大每服七十九姜湯下

痢第十四

痢有身熱後重腹痛下血○身熱挾外感者小芤胡湯去人參○後重積與氣墜下之故兼并兼消宜木香枳榔丸之類不愈者而用之 秦朮 皂角子 煨大黃 芫歸 桃仁 黃連 枳殼 若大腸風盛可作丸服保和丸急治後重五日後不汗

下姜脾胃虛故也○腹痛者肺經之氣鬱在大腸之間者如實者以劉氏之法下之虛則以苦梗開之用利藥方可氣用氣藥血用血藥有熱用黃芩芍藥之類無熱用濕藥姜桂之屬○下血多主食積與熱或用朴硝者○痢疾初得一二日間以利為法切不可使用止瀉之劑若實者調胃承氣大小承氣急可用有熱先退熱急不可便參承氣然氣虛者可用胃虛者急用之○血痢久不愈者屬虛四物湯為主涼血和血當歸芍藥仁之屬○不利下止發熱者屬陰虛用寒涼藥又兼升藥熱藥下利大孔痛者因熱流於下也以木香檳榔黃連黃芩炒乾姜○噤口痢者胃口熱甚故也大虛大熱用香連丸連肉各一兩共為末米湯調下又方人參二分姜炒黃連一分為末濃煎終日呷之吐

別再服但一呷下咽便妙不可用溫熱甘味○封臍引熱下行用田螺肉搗入麝香少許盒臍內○下利不治之証下利如魚腦者半死半生如塵腐色者死下純血者死下如屋漏水者死○赤痢乃自小腸來白痢乃自大腸來皆溫熱為本赤白帶濁同法○下痢有風邪下陷宜升提之蓋風傷肝又生木故也有溫傷血宜行溫清熱○內經所謂身熱則死寒則生以是大緊言又無証詳之方何今豈無身熱而生寒而死者○脈沉小晉連或微者易治洪大數者難治也脈宜滑大不宜弦急○仲景治利可溫者五法可下者十法或解表或利小便或待其自己還分易治難治極密俱與瀉同立論不分學者尚辨之大孔痛一日溫之一日清之按久病身冷脈沉小者宜溫恭病身熱脈

浮洪者宜補宜清有可吐者亦有可汗可下者○初得之時元氣未虛又推蕩之此通因通用之法稍久氣虛即不可壯矣初病宜下虛弱衰老久病宜升之○先水瀉後膿血此脾傳腎戒邪難愈先膿血後水瀉此為腎傳脾微邪易治○下利如豆汁者溫也蓋脾時為水穀之海無物不受常兼四藏故五色之相雜當先通利此迎而奪之之義如虛者亦宜審之因熱而作不可用已豆如傷冷物者或可用宜謹戒

痢疾方

黃連

滑石

生芩

白芍藥

蒼朮

白朮

芩歸

青皮

條黃芩

白芷

右剉水煎服

又方

乾姜

一名肉歸

半斤

烏梅

三枚

黃柏

半斤

黃連

右吹咀作一服水煎食前服若水瀉可等分用

又方

天黃

黃柏

黃芩

黃連

枳殼

尚歸

芍藥

滑石

菴仁

甘草

白朮

等分

右為末或湯調或作丸用麩糊或神麩糊丸服

又方

飲水過多腹脹瀉痢帶白

白朮

蒼朮

厚朴

茯苓

滑石

右咀水煎下保和丸

又方

痢後脚弱漸細者

蒼朮

龜板

酒炙

白芍藥

及黃柏

酒炒

半斤

右為末粥丸以四物湯加陳皮甘草水煎送下

又方 痢後腰痛兩脚無力

陳皮 半夏 白芍 茯苓 蒼朮 當歸

酒炙五分 白木 甘草 右咀作一服姜煎食前服

又方 治小兒八歲以下下純血作食積治

蒼朮 白木 黃芩 滑石 白芍 茯苓

甘草 陳皮 神曲 炒 右咀水下保和丸

痢有氣虛兼寒熱有食積有風邪有熱有濕有陽氣下陷而感受不一當分治夜經痢重諸有積以肚熱纏痛推之諸有氣以吐如蟹渤驗之究其受病之源決之對病之劑大要以散風邪行滯氣開胃腕為先不可遽用肉豆豉子白木黃芩以補住寒邪不可投米穀龍骨輩以閉澁腸胃邪得補而愈盛故証爰作所以日夕潘延而未已也○若升散者以胃風湯防風芍藥湯神木散蒼朮防風湯敗毒散皆可汗之○攻里若有濕者用導水丸兼鬱承氣湯和中丸若積滯用聖餅子脾積丸冷積用局方蘊感丸若濕熱甚者宜宣玄青膏○若后重旁迫用木香換柳丸色白者屬氣赤白者屬氣血受病赤黑相兼屬濕熱青綠雜色是風與火濕○下血者倘涼血倘婦生芩赤者屬血保命集四物湯濕加槐花黃連米穀醋炒○下痢脉沉弱而腹痛用姜附湯加對五苓理中又機要漿水散若青色者寒兼風石陽氣下陷者以升陽益胃湯加桔梗醋沃南星用葉毒外占眉嶺極効起泡便止○下利若濕盛勝濕者以平胃對五苓散最可或曲芎丸老人奉養太過飲食陽脾為脾泄机要白木芍藥湯濕

勝仙木炒用○若陰陽下分以滲洩以五苓之類或單用下芎
實炒為末米飲調二錢○若氣血俱虛神弱者以人參白朮
歸芍藥茯苓少加黃連服之或錢氏白朮散又或十補湯佳○
若暑痢而脉虛者香茹飲或清暑益氣又或六和湯藿香正氣
各加木香半錢名木香交加散○若白痢下如凍膠或如鼻涕
此屬冷痢宜除濕陽加木香一錢虛弱者亦與十補湯○赤痢
發熱者以敗毒散加陳倉米二撮煎○下痢小便不通黃連阿
膠丸為最

胃風湯

治風冷入於腸胃泄下鮮血或腸胃溫毒下如豆汁或

瘀血 人參 茯苓 川芎 當歸 桂 白朮 芍藥 等分

右剉水煎入粟米百餘粒同煎如腹痛加木香

噤口痢 蓮肉酒乾

右為末服二錢陳倉米湯調下便覺思食仍以日照東方壁土
炒真橘為末姜枣略煎佐之

○泄瀉第十五

泄瀉○有溫○火○氣虛○痰積○濕用四苓散加蒼朮甚者蒼
白二朮同加炒用燥濕火用四苓散加木通黃芩○痰積宜用
海粉青黛黃芩神曲糊丸服之○在上者宜吐提○在下者宜
升提之用升麻防風○氣虛用人參白朮炒芍藥升麻○水多
者用五苓散○久病大氣泄用熟地黃半斤炒白芍藥知母各
三錢乾姜二錢炙甘草一錢為末粥丸服之仍用艾炷加麥粒
於百會穴灸三壯脾瀉當補脾氣健運復常用炒芍藥神曲或

散或湯作餅子尤佳○食精作瀉宜再下之○脾泄久而大腸不禁此脾已脫宜急澁之以赤石脂肉豆蔻乾姜之類

一老人奉養太過飲食傷脾常又泄瀉亦是脾泄之類

黃芩半兩 白朮二兩 白芍開料 半夏各一 神曲炒 山楂各一

右為末青荷葉包飯燒訖研丸如桐子大食前服

一老人面白脉弦數獨胃脉沉活因飲白酒作痢下血痰服水腹痛小便不利以益元散數服之

寒瀉寒氣在腹攻刺作痛洞下清水腹內雷鳴米飲不化者理

中湯或吞大已寒丸宜附子桂香丸食者八味湯○熱瀉糞色

赤黃肛門焦痛糞出穀道猶如湯燒煩渴小便不利宜五苓散

吞香蓮丸○濕瀉由坐卧濕處以致濕氣傷脾土不克水梅雨

久陰暑有此病宜除濕腸吞戊己丸佐以胃苓湯重者木附湯

○傷食瀉陰飲食過多有傷脾氣遂成泄瀉其人又噫氣如敗

卵臭宜治中湯加砂仁半錢或吞感應丸尤妙○有脾氣久虛

不受飲食者食畢即腸鳴腹急盡下所食物總方寬快不食則

無事俗各錄食泄經年不愈宜快脾丸二五粒○因傷於酒每

晨起又瀉者宜理中湯加乾葛或吞酒煮黃連丸以因傷麪而

瀉者養胃湯加蘿蔔子炒研末一錢痛者更加木香半錢瀉甚

者去蘆香加炮姜半錢○有每日五更初洞瀉服止瀉藥並無

效米飲下五味丸或專以五味子治脾腎泄難省即飲食忌

口但得日間上半夜三事近五更其瀉復作此病在腎俗子為

脾腎瀉分水飲下二神丸及椒朴丸或脾胃散下小茴香丸病

久而重其人虛甚宜椒附湯○暑溫因中暑熱者宜胃苓散或五苓散加車前子末少許甚效

止瀉方 隔年陳麥麩六分 茴香五分 生姜一分

右為末每服五七錢白湯調服

又方 肉豆蔻五分 滑石夏一分半秋二分

右為末或丸或水調服

清六丸 去三焦濕治泄瀉多與青化丸同用並不可單用兼治

產後腹痛或自利者能補脾補血治血痢

六一散 一料 紅曲炒二分 半活血

右為末飯丸如梧桐子大每服五七十九

又方 治泄瀉或嘔吐

右六一散生姜汁入湯調服

○痰飲第十六

脉浮尚出久得脉潛卒難開也又費調理○大凡痰用利藥過多

脾氣易虛則痰易生而多○溫痰用蒼朮白朮○熱痰用青黛

黃連黃芩○食積痰用神曲麥芽山查○風痰用南星○老痰

用海石半夏瓜蒌香附○痰在膈上又用吐法瀉亦不出○溫

痰多軟如身倦之類氣實痰熱結者吐難得出或成塊或吐咯

不出氣滯者難治○膠固稠濁者又欲吐熱痰挾風外証為多

○寒熱者清之是○食積痰又用攻之兼氣虛用補藥送○痰

因火盛送土者又以治火為先白朮黃芩軟石膏之類○內傷

袪痰又用參芪白朮之類姜汁傳送或加半夏鹿加竹瀝○中

氣不足加參朮痰之為物隨氣升降無處不到脾虛者宜消中
氣以運痰挾下二陳湯加白朮之類兼用升痰提起○中焦有
痰食積胃氣急賴所養卒不便處若攻令盡則虛矣○痰成塊
或吐咯不出氣鬱者難治○痰在腸胃間可下而愈在經絡中
非吐不可吐法中就有發散之義為假如癰病因驚而得驚則
神出舍又空則痰生也血氣入在舍而拒其神不能治焉○血
傷又用姜汁傳送○黃芩治痰假治其下火也○二陳湯一身
之痰都治管如要下行加引下藥在上加引上藥○凡用吐藥
宜升提其氣便吐也加防風山梔川芎桔梗茶芽生姜薑汁之
類或用瓜蒂○凡風痰病用風痰藥如白附子天麻雄黃姜蚕
猪牙皂角之類

吐法用藥

附子尖

桔梗芦

人參芦

瓜蒂

藜芦

砒甚

用艾薰末搽於皆自吐之法不用手探但藥但湯皆可吐又時
先以布答膊上要於不通風處行吐法

又方 蘿蔔子半斤搗和以漿水一碎瀝去粗入少油與蜜溫服

後以鷄翎探吐翎用桐油先刷却以皂角水洗晒乾時用

又方 川鰕帶壳半斤入醬蔥姜等料物煮汁先喫汁以翎勾引

即吐際勒肚腹○凡人身中下有塊是痰問其平日好食何物

吐下後方用藥○許學士用蒼朮治痰成窠囊一边行極妙○

眩暈嘈雜乃火動其痰用二陳湯加山梔子黃芩黃連之類○

噫氣吞酸以食鬱有熱火氣上動以黃芩為君南星半夏為臣

橘紅為使熱多加青黛○痰在脇下非白芥子不能達○痰在

皮裡膜外非姜汁竹瀝不可攻。○痰在四肢非竹瀝不開。○痰結核在咽喉中燥不能出入用藥化之加鹹藥軟堅之味瓜萎杏仁海石桔梗連翹少佐朴硝以姜蜜和丸嚙服之。○海粉熱痰能降溫痰能燥結痰能軟頑痰能消可入丸子末不可入前藥。○枳實瀉痰能衝膈壁。○小胃丹能損胃氣食積痰積實者用之不宜多。

青礞石丸 重在風化硝

南星 二及切作片用白丸末

半夏 一及湯炮切作片以皂角水浸一日而曬乾

黃芩 姜汁炒

茯苓 炒各

法製硝 同蘿蔔水煮化去蘿蔔憑冷結入臘月半

青礞石 二及炮碎煇硝三及同入小磁罐內瓦片蓋定鐵線縛之鹽泥固濟晒乾火煨紅候冷取出用

右為末神曲糊丸桐子大服三五十九白湯下。○一方加蒼朮

半兩滑石一兩

潤下丸 降痰甚妙

南星 一及半夏 二及黃芩

黃連 各半 甘草 炙一及

橘紅 半斤以水化鹽五分 一方單用陳皮鹽水炒亦好

又方 治溫痰喘急心痛 半夏 一味不拘

右為末粥丸如梧桐子大每服三五十九姜湯下

又方 黃芩 香附 半夏 貝母已上治溫痰

加瓜蒌仁青黛作丸子治熱痰

又方 燥溫痰 南星 半夏 一及蛤粉 二及溫痰加蒼朮

右為末糊丸如梧桐子大青黛為衣服五十九姜湯送下人食

積痰加神曲麥芽山查

中和丸 治温痰氣熱 蒼朮 黃芩 半夏 香附子 各等分

右為末粥糊丸如梧桐子大每服五七十九丸姜湯送下

又方 治痰嗽 黃芩 酒洗一升 貝母 南星 各一滑石

白芥子 各半升 風化硝 二分半 右為末湯泡蒸餅丸服之

道痰湯 南星 橘紅 赤茯苓 枳壳半夏甘草 各四

右水煎生姜五片食前食之

千緡湯 半夏 七個泡每個 甘草 炙用 皂角去皮

右咀作一服煎

小胃丹 治食積痰實者用之不宜多服

芫花 醋拌温乾 炒黑用 甘遂 麵裹水浸冬七日春 大戟 水煮

木香 檳榔 半升 大黃 帶包水 黃百二

右為末湯浸宿蒸餅如黍子米大每服七八丸至十丸止臨卧

津液吞下或白湯一口送下取其膈上之温痰熱積以意消息

之欲利則空心服

凡疾之為患為喘為咳為嘔為泄為眩為暈心嘈怔忡驚悸為

寒熱痛腫為痞隔為壅塞或胸脇間轉 又有聲或背心一片常

如水冷或四肢麻痺不仁皆痰飲所致善治疾者不治痰而治

氣○順則一身之津液亦隨氣而順矣又嚴氏云人之氣道貴

乎順又則津液流通决無痰飲之患古方治痰飲用汗吐下温

之法愚見不若以順氣為先分導次之又王隱君論云痰消白

者為寒黃而濁者為熱殊不知始則清白人則黃濁清白稀薄

清於上黃濁稠粘疑於下嗽而易出者清而白也欬而不能出則黃結滯也若咯唾日久溫熱所鬱上下疑結皆無清白者甚至帶血又敗則黑痰為閉格異病人所不識又清白者氣味淡日久者漸成惡味酸辣腥燥焦若不一病中多有兼痰者世所不知也○凡人身中有結核不痛不紅作膿者皆痰注也○治痰淡實脾土燥脾溫是治其本也

又方 治痰結於耳後頂門各有一塊

姜蚕炒

酒大黃

青黛

牛膽

南星

右水煎服

又方 治頸頰下生痰結核

二陳湯加炒大黃連喬桔梗柴胡煎服

又方 治臂核作痛○二陳湯加連翹防風川芎皂角刺蒼朮

又方 治酒痰

青黛

瓜菱

右為末蜜丸嚙化

又方 治鬱痰

白姜蚕

杏仁

瓜菱仁

訶子

五倍子 貝母

右為末糊丸如梧桐子大服五十九丸白湯下

又方 治痰丸

半夏

瓜菱仁

香附

海粉

右為末作丸服

導飲丸

吳茱萸

茯苓二刀

黃連半刀

滑石七刀

蒼朮未泔浸

右為末糊丸如桐子大服八九十九丸姜湯下

坎苓丸

半夏四刀

茯苓二刀

枳殼一刀

風化硝半刀

右為末糊丸如梧子大每服七十丸姜湯下

又方 治食積痰大并瀉胃火

軟石羔 不拘多少研

右為末醋糊丸如菴豆大每服二十九白湯下

又方 治陰虛內多食積痰

川芎 黃連 瓜蒌仁 白朮 神曲 麥冬一分

青黛半斤 人中白三斤 右為末姜汁蒸餅丸服

喉中有物咯不出嚥不下此等疾重者吐之輕者用瓜蒌輩之氣實又用荆瀝○五倍子佐他藥大治頑痰○竹瀝隔間有痰或顛狂或健忘或風痰不能養血與荆瀝同功治稍重能食者用此二味効隨穩傍二瀝治痰結在皮裏膜外及經絡中痰又佐韭汁治血結滯不行中焦者有飲自然汁吃三四銀鍾又胃中煩燥不寧後愈

普連化痰丸

半夏 黃連 吳茱萸湯洗一分 陳皮一分

右為末麩糊丸菴豆大服一百丸姜湯下

白玉丸 巴豆 南星 半夏 滑石 輕粉各一分

為末皂角仁浸濃汁丸桐子大服五七十九姜湯下

又瓜蒌丸 治食積痰壅淋喘急

瓜蒌仁 半夏 山查 神曲炒各等分

右為末瓜蒌水丸姜湯入瀝送下二三十丸

又方

瓜蒌仁 半夏 蒼朮二分 香附二分 黃芩 黃連半斤

又方 瓜蒌仁 黃連半斤 半夏一分

為末糊丸桐子大服五十九白湯下

丹溪心法

丹溪

抑痰丸

瓜蒌仁一升

半夏二升

貝母三升

為末蒸餅丸如麻子大服一百丸姜湯送下

清膈化痰丸

黃連

黃芩一升

黃柏

山茱萸半升

香附二升

蒼朮二升

右為末蒸餅丸白湯下

搜風化痰丸

人參

槐角子

姜蚕

白礬

陳皮去皮

荆芥一升

辰砂半升

半夏四升

汁製

右為末姜汁浸蒸餅丸辰砂為衣服四十九丸姜湯下

墜痰丸 治痰飲

黑牽牛

頭末二升

枳實

白朮三升

猪牙皂角二升

酒炒

枳壳炒半

為末

用蘿蔔汁丸服五十九丸雞鳴時初則有糞次則

有痰

治濕痰

蒼朮一升

白朮六升

香附一升

白芍藥酒浸二升

為末蒸餅丸服

治肥人濕痰

半夏

苦參各一升

白朮二升

陳皮一升

祛風痰行濁氣

明瓦

防丰

川芎

猪牙皂

玉金各一升

蜈蚣

二條用赤脚黃脚各一條

右為末蒸餅丸如桐子大每服

三十九丸食前茶湯送下春以芭蕉湯探吐痰

痰氣方

片苓炒

半夏半升

白朮

白芍藥一升

茯苓

陳皮三升 右為末蒸餅炮姜汁丸服

利膈化痰丸

南星

蛤粉胡麩

半夏

瓜蒌仁

貝母

去心治胃膈痰氣最妙

香附半升

便浸 已上並為末

右用猪牙皂角十四个槌敲碎水一碗半煮杏仁去皮尖一兩

煮不將乾去皂角搗杏仁如泥入前藥棧和再入姜汁炮蒸餅
丸如菡豆大青黛為衣每服五十九丸姜湯下○天花粉大膠降
上熱痰

○清痰丸 專清中宮痰積

烏毒

枯丸

黃芩

陳皮

蒼朮

滑石

青皮

枳實各半

南星

半夏

山查

神曲炒

生姜各一

為末湯浸蒸餅丸服加香附一两

○痿第十七

痿証不可作風治而用風藥○溫熱健步丸和燥溫降陰火蒼朮

黃芩黃柏牛膝之類○溫痰二陳湯加蒼朮白朮黃芩黃柏竹

瀝○氣虛四君子湯加黃芩黃百蒼朮之類○血虛四物湯加

黃柏蒼朮煎送補陰丸○亦有食積死血妨礙不得下降者○

肺痿專主養肺氣養血清心

○補陰丸

黃柏

拌鹽酒炒

知母

酒浸炒

熟苧

各三

白芍藥

陳皮

牛膝

各三

瑣陽

芎歸

各一

虎骨

酒浸炙

敗龜板

酒浸炙

四

右為末酒煮羊肉搗爛為丸冬加乾姜半兩

○東垣健步丸

瓜蒌根

酒浸

川烏頭

苦參

各一

肉桂

半斤

羌活

芫胡

滑石

炒

甘草

炙

右為末酒糊丸桐子大服七十九葱白煎愈風湯下○按五

痿等證特立篇見所論至許後代諸方獨於此証槩多缺畧放

其由皆由混入中風條內故也丹溪先生痛千古之弊憫世之

惟此疾者多誤于庸醫之手有志之士又當究其心焉夫陳無
擇謂痿因內藏不足所致誠得之矣然痿之所不足者乃陰血
也而方悉是補腸補氣之劑能免實又虛又之患乎且無擇以
三因立方可謂諸方之冠其餘此証猶且求明况求於他者乎
清燥湯 治溫熱成痿以燥全受溫熱之邪是絕寒水生化之原
緣則腎虧癆厥之病大作腰以下痿軟癱瘓不能動

黃芪

半斤

蒼朮

一斤

白朮

各三分

橘皮

各等

澤瀉

各等

五味子

九

人參

各三分

白茯苓

各三分

升麻

各三分

麥門冬

各三分

當歸身

各三分

生苳

各三分

麩末

各三分

猪苓

各三分

酒黃柏

各三分

芫胡

各三分

黃連

各三分

甘草

各三分

各三分

各三分

各三分

各三分

各三分

各三分

各三分

各三分

各三分

各三分

○疸第十八

疸不用分其五同是溫熱如服曲相似○輕者小溫中丸重者大
溫中丸熱多加黃連○溫多者茵陳五苓散加食積藥○溫熱
因倒胃氣服下藥大便不利者參芪加山梔茵陳甘草○黃疸
乃脾胃經有熱所致當究其所因分利為先解毒次之諸疸口
淡怔忡耳鳴脚軟微寒發熱小便白濁此為虛証治四君子湯
吞八味丸不可過用涼劑強通小便恐腎水枯竭人而面黑黃
色及有渴者不治不渴者可治心黃疸通身面目悉黃宜生料
五苓散加茵陳又宜小芫胡加茵陳茯苓枳實少加朴哨濟生
茵陳湯千金方東引枳根細者煎空心服○穀疸食已而眩心
中佛鬱不安飢餓所致胃氣蒸衝而黃宜小芫胡加穀芽枳實
厚朴山梔大黃濟生穀疸丸○酒疸身目黃心中懊懣足胗滿

灰真而黃面赤癍酒過胃熱醉卧勞風水溫得之小茈胡加茵
陳豆豉大黃又連葛粉脉微數面目青黑或大便黑三因方白
木散脉弦濇三因芎歸白朮散濟生方五苓加葛根湯女勞
疸因房事後為水溫所搏故額黑身黃小腹滿急小便不利以
大麥一撮同滑石又蒸末各一錢煎服胃黃汗者因脾胃有熱
汗出入水澡浴所致故汗出黃染衣而不渴濟生方黃芪散茵
陳湯又以苦丁香豆大深吸鼻中出黃水差○蕞黃脉沉細遲
四肢逆冷身冷自汗不止宜茵陳四逆湯

茵陳湯

治溫熱蕞黃身熱鼻乾汗出小便赤而不利

茵陳

六刀

枝子

十四

大黃

二刀

右作三服每服一兩半水煎服

梔子大黃湯

治酒疸

梔子

十五

大黃

一

枳實

五

升

水煎溫服

硝石凡石散

治女勞疸身黃額黑

硝石

凡石

各燒

右二味為散以大麥粥汁和服二錢日三重衣服取汗

瓜蒂散

瓜蒂

二

毋丁香

一

黍米

四十

赤小豆

半

右為末每夜於鼻內嚙之取下黃水

○嘔吐第十九

胃中有熱膈上有痰者二陳加炒山梔黃連生姜○有久病嘔者
胃虛不納穀者用生姜人參黃芪白朮香附之類○嘔吐朱奉
議以半夏橘皮生姜為主○劉河間謂嘔者火氣炎上以特一
端耳○有痰隔中焦食不得下者○有氣逆而嘔者○有氣鬱
於胃口者○有食滯心肺之分而新食不得下而反出者○有

胃口有火與痰而嘔者○注肛大吐渴飲水者即死童便飲之
最妙矣

理中湯加丁香 治中脘而停寒喜辛物入口即吐

人參 白木 甘草 乾姜炮各丁香十粒

右咀生姜十片水煎服或加枳實半錢亦可不效或以二陳湯
加丁香十粒研瀆冷服蓋冷遇冷則相入庶不吐出又或活人
生姜橘皮湯

熱嘔 濟生竹茹湯 小訖胡加竹茹湯 並用生姜多煎服

加味二陳 治停痰結氣而嘔 半夏 橘皮各五縮砂一

丁香五分 生姜三 白茯苓五 甘草炙半 水煎服之

吐酸而嘔 黑錫煨成 檳榔末米飲調下

○咳逆第二十

咳逆有痰○有氣血○視有餘不足治之其詳在格致餘論不足

者人參白朮湯下大補丸○有餘并有痰者吐之人參芦之類

○咳逆自利者滑石甘草炒黃柏白芍人參白朮陳皮竹茹煎

服○咳逆為病古為之噦近謂之呃乃胃寒所生寒氣自逆而

呃止此証最危亦有熱呃已易傷寒証其有他病發呃者一用

半夏一兩生姜半兩水煎熱服或理中湯加枳殼茯苓各半錢

半夏一錢不效更加丁香十粒○吐利後胃虛寒咳逆者以羌

活附子湯或丁香十枚柿蒂十個切碎水煎服○吐利必胃熱

咳逆者以橘皮竹茹湯○亦無別病偶然取呃吐緣氣逆而生

宜小半夏茯苓湯和枳實半夏又或煎湯泡蘿蔔子研取汁調

木香調氣散服之通氣用之最佳

橘皮乾姜湯 治咳逆不止 橘皮 通草 乾姜

桂心 甘草各一分人參一分 右用五錢水煎服

生姜半夏湯 通治咳逆欲死

半夏一分 生姜二分 水煎温作三服

陰証咳逆 川烏 乾姜炮 附子炮 肉桂 甘草炙

芍藥 半夏 吳茱萸 陳皮 大黃等分

右為末每服一錢生姜五片水煎服

○惡心第二十一

惡心有痰○有熱○有虛皆用生姜隨証佐藥○惡心欲吐不吐

心中兀又人如畏舟宜大半夏湯或小半夏茯苓湯或理中

湯加半夏亦可○及胃中有熱惡心者以二陳加生姜汁炒黃

連黃芩各一錢最妙

○翻胃第二十二

反胃大約有四○血虛○氣虛○有熱○有痰熱病必用童便非

汁竹瀝牛羊乳生姜汁○氣虛入四君子湯右手脉無力○血

虛有四物湯加童便左手脉無力切不可用香燥之藥若服之

必死宜薄滋味○治反胃用黃連三錢生姜汁浸炒山查二錢

保和丸二錢同為末糊丸如桐子大胭脂為衣人參湯行瀝下

六十丸

又方 用馬剝兒燒灰存性一錢好東肉平胃散一錢和勻温酒

調服食即可下然後隨病源調理○有痰二陳湯為主寸關沉

或浮而大○有氣結宜開滯導氣之藥寸關脉沉而瀉○有內
有陰火上炎而反胃者作陰火治之

又方

萊菔 黃連 貝母 瓜蒌 牛轉草

年少者四物湯清胃腕血燥不潤便故澁格致餘論甚詳○年
老雖不治急用參朮開防氣虛胃虛○氣虛者四君子湯加芫
根童便或參朮白朮散或韭汁牛羊乳或入駝駝尿○又有積
血停於內而散肉消息逐之大便秘者難治常令食兔肉則便
燒針丸 此藥清鎮專主吐逆紫府丹不拘多少研細用去皮小
枣肉丸如鷄頭大每用針簽于燈上燒灰為末乳汁下一丸

○暖氣第二十

治暖氣 胃中有火有痰 香附 半夏 南星

軟石膏 炒梔子 作丸或作湯服之

○吞酸第二十四

吞酸者濕熱鬱積于肝而出伏於肺胃之間又用糲食蔬菜自養
○宜用萊菔順其性而折之○反佐方用黃連吳茱萸各炒用
○吞酸與吐酸不同吐酸素問以為熱東垣又為寒何也吐酸
是吐出酸水中醋平時津液隨上升之氣鬱積而久濕中生熱
故從火化遂作酸味非熱而何其有鬱積之久不能自湧而出
伏于肺胃之間咯不得上咽不得下肌不得風寒則內熱愈鬱
而酸味刺心肌表溫暖腠理開發或得香熱湯丸津液得亦可
暫解非寒而何素問言熱言其本也東垣言寒言其末也吞酸

用藥黃連各炒隨時令迭其位使蒼朮茯苓為輔佐湯浸炊餅丸如小丸吞之即安

麩末丸 治中脘宿食晉飲酸蝨心痛或口吐清米

神曲炒一 陳皮一 及蒼朮清浸炒二 及半

為末生姜汁煮神曲糊為丸每服七十姜湯下

加味平胃散 生料平胃散加神曲麥芽炒各半錢

右用姜三片水煎五錢服

○痞第二十五

痞者有食積兼濕○東垣有法有方

治痞滿方 吳茱萸三 及黃連二 及米糊為丸服之

心下痞須用枳實炒黃連○如稟受充實面蒼骨露氣實之人

而心下痞者宜枳實黃連枳殼青皮○如稟受素弱轉運不調

飲食不化而心下痞者宜白朮山查麩蘗青皮枳殼○如肥人

心下痞者乃是痰宜蒼朮半夏砂仁茯苓滑石○如瘦人心

下痞者乃是鬱熱在中焦宜枳實黃連葛根升麻○如食后感

寒飲食不化心下痞宜藿香草荳蔻吳茱萸砂仁

又方 有石羔不以多少研為末醋糊丸如菉豆大服之瀉胃火

食積痰火

痞者與否同不通泰也由陰伏陽益氣與血不運而成處心下

位中央腹滿痞寒者皆土之病也與脹滿有輕重之分若則內

覺痞悶而外無脹急之形者是痞也○有中氣虛弱不能運化

精液為痞者○有飲食痰積不能施化為痞者○有濕熱太甚

為痞者。○古方治痞用黃連黃芩枳實之苦以泄之厚朴生姜半夏之辛以散之人參白朮之甘苦以補之茯苓澤瀉之溫以滲之既痞同濕治惟宜上下分消其氣如果有內實之証庶可略與疎導世人苦于痞寒喜行利藥以求其速效暫時快通痞若再作益以滋甚

加味補中益氣湯 治內傷心下痞

脈緩有痰而痞加半夏黃連○心下痞分悶者加白芍藥黃連脈弦四肢滿閉便難而心下痞加芫胡黃連甘草

大便秘燥加黃連枳仁少加大黃當歸身

心下痞中寒者加附子黃連○心下痞腹脹加五味子白芍砂

仁天寒少加乾姜或中桂○心下痞嘔逆者加黃連生姜陳皮

如冬月加黃連少入丁香藿香○心下痞如腹中氣上逆者是

衝脉逆也加黃柏三分黃連一分半以泄之○如食已心下痞

別服橘皮枳木丸

枳木消痞丸 治右關脉浮弦心下虛痞惡食懶倦開胃進食

枳實 黃連各五 乾生姜二 半夏曲三 厚朴四 人參三

甘草一 白朮三 茯苓 麥芽各二

右為水浸蒸餅丸如桐子大服三五丸溫水下

○嘈雜第二十六

嘈雜是痰因火動○痰因火動姜汁炒黃連入痰藥用炒山梔

子黃芩為君南星半夏橘紅熱多加青黛○嘈雜此乃食鬱有

熱施子姜汁炒黃連不可無○肥人嘈雜二陳少加撫芎蒼朮

白朮炒山梔子○嘈雜若濕痰氣滯不喜食三補丸加蒼朮倍香附

○傷食第二十七

傷食惡食者胃中有物導痰補脾用二陳湯白朮山查川芎蒼朮服之○夏抑傷脾不思飲食炒黃連酒芍藥香附清六丸末用姜汁浸蒸餅丸服○傷寒之証右手氣口又緊盛胸膈痞塞噫敗卵臭亦有頭痛發熱但身不痛為異耳用治中湯加炒仁一錢或用紅丸子

加味二陳湯 治中脘聞食氣則嘔 本方加砂仁一青皮半

紅丸子 治傷食

京三稜 蓬朮煨 青皮 陳皮五分 乾姜炮 胡椒三

右為末醋糊丸如桐子大礬紅為衣服三十九食後姜湯下

○水腫第二十八

水腫因脾虛不能制水 又潰妄行勞以參朮補脾使脾氣得實則自健運自能升降運動其樞机則水自行非五苓神祐之行水也宜補中行濕利小便切不可下用二陳湯加白朮人參蒼朮為主佐以黃芩麥門冬制肝木若腹脹少佐以厚朴○氣不運加木香木通○氣若陷下加升麻芫胡提之隨病加減又瀉補中行濕二陳治濕加升麻提之藥能使大便潤而小便長○產後又瀉大補血氣為主少佐蒼朮茯苓使水自降用大劑白朮補脾若壅滿半夏陳皮香附監之○有熱渴清肺金麥門冬黃芩之屬○一方用山梔子去皮取仁炒搥碎米湯送下一抄胃

熱病在上者帶皮用○治熱水腫用山梔子五錢木香一錢白
木二各半古吹咀取急流順水煎服○腫已上腫宜利小便腰
以下腫宜發汗此仲景之要法也○諸家只知治濕病利小便
之說執此一途用諸去水之藥注又多死又用導水丸舟車丸
神祐丸之類大下之此速死之兆蓋脾極虛而敗愈虛雖劫効
目前而陰損正氣然病亦不旋踵而至○水脹用香薷濃煎汁
成膏先去暑利水○大法宜大補中官為主看所挾加減不爾
則死當以張氏實脾散加減用○陽病水兼陽証者脉又沉數
陰病水兼陰証脉又沉遲○水之為病不一賈洛陽以病腫不
治天為痼疾雖有扁鵲亦莫能為則知腫之危惡非他病比也
夫人之所以得全其性命者水與穀而已水則腎主之土則脾

主之惟腎虛不能行水惟脾虛不能制水胃與脾合氣胃為水
穀之海又因虛而不能傳化為故腎水泛溢反滯以浸漬脾土
以是三焦停滯經絡壅塞水滲於皮膚注於肌肉而發腫皮其
狀目胞上下微起肢體重著咳喘怔忡股間清冷小便澁黃皮
薄而先手按成窟無手即滿是也○治法大要身有熱者水氣
在表可汗○身無熱者水氣在裏可下其間通小便順氣和脾
俱不可緩耳然而証雖可下又尚權其輕重不可過用大戟芫
花甘遂猛烈之劑一發不收峻快者易固閉者難水氣復來而
無以治之也大凡水腫先起于腫而後散四肢者可治○先起
於四肢而後歸於腹者不治○大便滑泄與夫唇黑缺盆平臍
突足平背平或肉硬或手掌平又或男從腳下腫而工文從身

上腫而下並皆不治○若遍身腫煩渴便赤澁大便閉此屬陽水先入五皮散四磨飲添磨生枳壳重則踈鑿飲○若遍身腫不煩渴大便溏小便少不澁赤此屬陰水宜實脾飲或丁香流氣飲○陽水腫敗荷葉燒灰存性為末未飲調下○若病可下者以三聖散牽牛枳實蘿蔔子三味看大小虛實與服氣實者三花神祐舟車丸禹功丸選用○忌食羊頭蹄肉其性極補腎水食之百不一愈

加味五皮散 治四肢腫滿不分陽水陰水皆可服之

肉桂 姜黃 五加皮 地骨皮 生姜皮 大腹皮

茯苓皮 木瓜各一 右作一服水煎服 澹寮去五加地骨用

陳皮桑皮

踈鑿飲 治水氣通身浮腫喘呼氣急煩渴大小便不利服熱藥

不得者 澤瀉 赤小豆炒 商陸 羌活 大腹皮

椒目 木通 秦苑 檳榔 茯苓皮

右吹咀水煎姜五片

大橘皮湯 治濕熱內攻腹脹水腫小便不利大便滑泄

陳皮一 木香二 滑石六 檳榔三 茯苓一 茱萸

白木 澤瀉 肉桂半 甘草二 用生姜五片水煎服

十束丸 治水氣四肢浮腫上氣喘急大小便不利

甘遂 大戟 芫花各等分

右為末煮棗肉為丸如梧桐子大清晨熱湯下三十九以數如度次早再服虛人不可多服

丹溪心法 卷二 治虛腫

大香附不以多少童子便浸一日夜取出別換童便又浸一日
夜擦去皮 右為末醋糊丸如桐子大服七十九煎二十四味
流氣飲送下

○鼓脹第二十九

鼓脹又名單脹○丹溪先生曰心肺陽也居上腎肝陰也居下脾
居中六陰也屬土經曰飲食入胃遊溢精氣上諭於脾又氣散
精上歸於肺通調水道下輸膀胱水精四布五經並行是脾具
坤膏之得而有乾健之運故能心肺之陽降腎肝之陰升而成
天地交之犬是為無病今也七情內傷六淫外淫飲食不節勞
房致虛脾土之陰受傷運轉之官失取胃雖受穀不能運化故

陽自升陰自降而成天地不交之否清濁相混墜道壅塞和而
為熱下留為濕又熱相生不成脹滿經曰成脹是也以其外雖
堅滿中空無有物以於鼓其病膠固難以治療又各曰蠱若虫
侵蝕之又理宜補脾又須養肺金以制木使脾無賊邪之患滋
腎水以制火使肺得以化却厚味斷妄想遠音樂無有不安依
又不察虛實急於作效病者若於脹急喜行利藥以求通快不
知實得一日半日其腫愈甚其病和甚矣真氣傷矣
古方惟禹餘糧丸紫金制肝補脾殊為切當○宜大補中氣行
濕以乃脾虛之甚又須知音樂斷厚味大劑人參白朮佐以陳
皮茯苓蒼朮之類○有血虛者用四物湯行血藥○有脉實壯
盛者或可攻之便行收拾用白朮為主○厚朴治腹脹因味辛

以氣聚於下焦故也。須用姜制之。○如肥胖之人腹脹者宜平胃五苓共服之。○如白人腹脹者是氣虛宜參朮厚朴陳皮。○如瘦人腹脹者是熱宜黃連厚朴香附白芍。○如因有故畜血而腹脹者宜抵齒丸下死血。○如因有食積而腹脹者有執用木香檳榔丸有寒用木香厚朴丁香砂仁神曲香附。○如因外寒鬱內熱而腹脹者用藿香麻黃升麻乾葛桂枝。○因大怒而腹脹者宜青皮陳皮香附枝子仁芫蕪。○實者按之不堅不痛治實者下之消之次補之。○虛者溫之升之宜補為要。○朝寬暮急血虛暮寬朝急氣虛終日急氣血皆虛。○腹腫不覺滿者食肉多以黃連一兩阿魏一兩醋浸蒸餅為丸同溫中丸白朮湯下。○食肉多腹脹三補丸料內加香附半夏曲餅丸服。

中滿分消丸 治中滿鼓脹水氣脹大熱脹並皆治之

黃芩 枳實炒五 半夏五 黃連炒五 姜黃 白朮

人參 甘草 茯苓絡一 厚朴製一 茯苓 砂仁絡一

澤瀉 陳皮絡三 乾生薑三 知母四

右為末水浸蒸餅丸如桐子大每服百丸焙熱白湯下食後寢因熱用故焙服之

廣茂清堅湯 中滿腹脹內有積塊堅硬如石令人坐卧不安大小便澁滯喘促通身虛浮

厚朴 黃芩 益智 草豆蔻 當歸絡五 黃連六

半夏七 廣茂 升麻 紅花炒 吳茱絡二 甘草生

芫胡 澤瀉 神曲炒 青皮 陳皮絡三

右每服七錢生姜三片煎服 渴者加葛根四錢

紫蘘子湯 治憂思過度致傷脾胃心腹腸滿偏促煩悶腸鳴氣

走瀉 又有聲大小便不利脈虛緊而澁

蘘子 一及 大腹皮 草果 半夏 厚朴 木香

陳皮 木通 白木 枳實 人參 甘草 各半

右水煎生姜三片束一枚

人參芎歸湯 治血脹煩燥漱水不嚥迷忘小便多大便黑或虛

厥逆婦人多有此証

芎歸 半夏 川芎 一兩 蓬朮 木香 砂仁

白烏 甘草 各半 人參 桂 五靈脂 炒 各二

右水煎生姜三片束一枚紫蘘四葉

○腎著第三十

腎著為病其體腰冷如水飲食如故腹重如物在腰治宜流濕蒸

用濕暖之藥以散之

腎著湯 治腎虛傷濕身重腰冷如坐水中不渴小便自利

乾姜 炮 茯苓 各四 甘草 炙 白木 各一

右以咀服五錢水煎空心服

感濕湯 治寒濕所傷身體重者如坐水中

蒼朮 白木 甘草 炙 橘紅 丁香 各二 茯苓

乾姜 炮 各半 右每服五錢水二鍾生姜三片束一箇煎服

○秋結第三十一

秋結大腸虛秘而熱 白芍藥 枳實 陳皮 生姜 歸身 一及

甘草二刀為末粥丸白湯下七八十九

凡人五味之秀者養藏府諸陽之濁者歸大腸大腸所以司出而不納也今停蓄蘊結獨不得疎導何哉抑有由矣邪入裏則胃有燥糞三焦伏熱則津液中乾以大腸挾熱然也虛人熱冷而血脈枯老人腸寒氣道澀以大腸之挾冷然也必有腸胃受風潤燥秘澀以証以風氣蓄而得之若夫氣不下降而穀道難噫逆泛滿又有其証候○東垣不言冷而言熱燥風燥有陰結陽結年老氣虛津液不足而結者治法云腎惡燥急食辛以潤之結者散之如少陰不得大便以辛潤之太陰不得大便以苦瀉之陽結者散之陰結者熱之若小便自利大便硬不可下以脾約丸潤之諸風熱燥結者急可潤之有物而結者下之若不

究其源一槩用巴豆牽牛之類下之損其津液燥結愈其後下復結遂成不救之証可不痛哉

導滯通幽湯 治大便難幽門不通上冲吸門不開噎塞不便燥

秘氣不得下治在幽門以辛潤之

當歸 升麻 各一 薤仁泥 各一 生姜 熟艾 各半 甘草 炙

紅花 各二 加大黃名當歸潤燥湯

右作一服水煎食前調候即末半錢 或加麻仁泥一錢

潤燥湯 升麻 生艾 各三 歸稍 生甘草 大黃 煨

薤仁泥 麻仁 各一 紅花 半斤

右除薤仁另研作一服水煎次下薤仁空心熱服

生血潤燥丸 治大便風秘血秘常又燥結

歸稍一防風二大黃煨用羌活各一芫仁研麻仁研

皂角仁燒存性一及五其右除二仁另研外餘為末後和

勻蜜丸如桐子大空心服五十九丸白湯下三兩服後以蘊子麻

子粥每日早晚食之大便不致結燥

半硫丸 治冷秘風秘老人秘結

透明硫黃研半夏洗七次各等分

右為末生薑糊丸梧桐子大服二十九丸姜湯下或用葱白一莖

姜三片煎入阿膠一片溶開食前送下

麻仁丸 治大便秘風秘脾約 郁李仁 麻子仁各六

大黃手炒山藥 防風 枳壳炒七檳榔 羌活

木香絡五右為末丸桐子大每服五七十九丸白湯下

脾約丸 麻黃研二枳實 厚朴 芍藥各二大黃四

杏仁去皮尖炒一為末燥蜜丸桐子大服三五十九丸溫水下

凡諸秘服藥不通或兼他証又或老弱虛極不可用藥者用蜜

熬入皂角末少許作兌以導之冷秘生薑兌亦好

○咳嗽第三十二

咳嗽有風寒 痰食 火鬱 勞咳

春作是春升之氣○夏是火氣炎上最重○秋是濕熱傷肺○

冬是風寒外來以藥散之後用半夏逐痰又不再來○風寒

行痰開膜理用二陳湯加麻黃桔梗杏仁○痰飲降痰隨証加

藥○火清金化痰○勞嗽宜四物加竹瀝姜汁○乾咳嗽難治

此係火鬱之証乃痰鬱其火邪在中用苦梗開之下用補陰降

火不已則成勞不得眠一邊取其味酸苦有收用降火之功佐以海粉童便浸香附瓜蒌仁青黛半夏曲右為末蜜調噲化○肺虛甚嗽者此好色腎虛者有之用參膏以陳皮生姜佐之大槩有痰和痰藥○上半日多嗽者以屬胃中有火用貝母石羔降胃火午後嗽者屬陰虛又用四物湯加炒黃柏知母降火○黃昏嗽者是火氣浮於肺不宜用涼藥宜五味子五倍子下而降之○五更嗽者以屬胃中有食積至以時火氣流於肺以貝母軟石羔降肺火○肺脹而嗽或左或右不得眠以痰挾瘀血礙氣而病宜養血以流動乎疎肝以清痰四物加莖仁訶子青皮竹瀝之類○血礙氣作嗽者莖仁大黃姜汁丸服○嗽而脇下痛跡肝氣以青皮挾痰藥實者白芥子之類○治嗽多用生

姜以其辛散故也○痰因火動逆上作嗽者先治火次治痰○知母上嗽清肺滋陰降火夜嗽用降陰分嗽○治嗽多用栗殼不火疑但要去病根故乃收後藥也治痢亦同○勞嗽即火鬱嗽用訶子能治肺氣因火傷極遂成鬱遏脹滿脇邊不得取其味苦有收斂之功仍以海石香附瓜蒌青黛半夏之類以補陰為主○多嗽天突穴肺腧穴灸之大瀉肺氣肺腧穴在三權骨下兩傍各一寸五分

又方 治煩人形瘦有時夜熱痰嗽月經未調

青黛 瓜蒌仁 香附 童便浸 晒乾 為末蜜調噲化

又方 治痰嗽

薤白 蘿蔔子 二升 右為末粥丸服

清化丸 治肺中鬱痰睡不安寧

知母 杏仁 為末砂糖入姜汁泡蒸餅丸噙化

又方 治久嗽風入肺 鵝管石 雄黃 玉金

右為末和艾中以生姜一片留舌上炙之以烟入喉中為度飲

酒傷肺痰嗽以竹瀝煎紫蘊入韭汁乾吞瓜蒌杏連丸

又方 治咳嗽劫藥

五味子伍甘草不半 五倍子 風化硝各一 為末噙化

又方 治咳嗽聲嘶者以血虛受熱

青黛 蛤粉 為末蜜水調下

又方 治咳去溫痰 白木 半夏 蒼朮 香附各

貝母 杏仁炒 黃芩各半 右為末姜汁打糊丸

師去陰分嗽者多屬陰虛治之○有嗽而肺脹壅遏不得眠者

難治○肺痿專主養肺氣養血清金○嗽而肺氣有餘者宜瀉

之桑白皮為主半夏茯苓佐之瀉其有餘補其不足○肺燥者

尚潤之屬熱者桔梗大力鷄清知母○聲啞者屬寒宜細辛半

夏生姜以散之○肺虛者人參膏阿膠為主陰不足者六味地

黃丸為要藥或知母茯苓瀉為妙○陰虛氣喘四物湯加陳皮

甘草少以降至其氣補其陰白芍須用酒浸日乾○溫痰帶風

喘嗽者不可一味苦寒折之如干縉湯隊痰丸更以皂角蘿蔔

子杏仁芍藥姜蜜丸噙化○濕痰帶風以干縉湯墜痰丸固捷

○痰積嗽非青黛瓜蒌不除有食積人面青白黃色不常面上

有如蟹爪路一黃一白者是○咳逆嗽非蛤粉青黛瓜蒌貝母

不除○口燥咽乾有痰不用半夏南星用瓜蒌貝母水飲不用
瓜蒌恐泥隔不怱快○杏仁瀉肺氣又虛久嗽者一二服却止
○青礞石丸除食積去濕痰看病冷熱虛實作湯使

又方 治勞嗽吐紅

半夏 杏仁 甘草 天門冬 白芍 人參

白木 茯苓 百合 紅花 細辛 五味

官桂 阿膠 黃芪 熟去桂芪用桑皮麻黃不去節

杏仁不去皮

又方 治嗽血 紅花 杏仁去皮 枇杷葉去毛 紫苑

鹿茸炙 木通 桑白皮 為末煉蜜丸噙化

又方 治痰嗽 黃芪酒洗 滑石五斤 白芥子五斤 貝母

南星各二斤 風化硝二斤 浮取其二斤 退降其 為末蒸餅丸

嗽烟筒 佛耳草 欵花一斤 鵝管石 雄黃半斤

為末鋪艾上燒煙吸入口中 治痰嗽久永者

定嗽劫藥

訶子 百藥煎 京芥蕙 為末姜蜜丸噙化

又方 治酒痰嗽 青黛 瓜蒌 為末姜蜜丸噙化救肺

又方 治心煩咳嗽等証 六乙散加辰砂服

清金丸 治食積火鬱嗽劫藥 貝母一斤 知母二斤

巴豆去油膜 為末姜泥丸辰砂為衣食後服五丸白湯下

清金丸 一名點丸清化丸同用瀉肺火降隔上熱痰

片子黃芩炒 為末糊丸桐子大服五十九

又方 與清金丸同用專治熱嗽及咽痛故若能燥濕熱輕能上

燈籠草以為末蒸餅糊丸○又細末醋調敷咽喉間痛

潤下丸 治胃膈有痰兼嗽

陳皮去白半斤以鹽半斤以水化作煮陳皮乾為末 甘草一及為末蒸餅丸

上熱加清金丸 有濕加參朮丸 須看虛實作湯使

又方 治痰嗽 礞石半及 風化硝一及 半夏一及

白木一及 茯苓七及 陳皮七及 黃芩半及

蒼沙丸 調中散爵 蒼朮 香附各四及 黃芩一及

為末蒸餅丸桐子大服五十九食後姜湯下

又方 治咳嗽氣實無虛熱者可服汗多者亦用之

粟壳四兩蜜炒 烏梅一及 人參半及 款花半及 桔梗半及

堯零一及 南星一及 姜製為末蜜丸彈子大噉化

人參清肺散 治痰嗽咽乾聲不出

人參 橘紅各半及 半夏 桔梗 茯苓 桑皮

知母 杏仁 黃連 枳壳各一及 麥門冬 地骨各半及

五味十及 款花七分 貝母各半及 甘草半及 水煎生姜三片服

肺痿治法在乎養血養肺養氣清金 又匱方論曰熱在上焦者

因咳為肺痿得之或從汗出或從嘔吐或消渴小便利數或從

便難又被快藥下利重亡津液故寸口脉數其人咳口中有濁

唾涎味者為肺痿之病其人脉數虛者是

海藏紫苑散 治咳中有血虛勞肺痿

人參一及 紫苑半及 知母 貝母 桔梗各半及 甘草半及

五味个十五 茯苓一个 阿膠半斤 右以咀水煎服

知母茯苓湯 治咳嗽不已注来寒熱自汗肺痿

甘草 茯苓各一 知母 五味 人参 薄荷

半夏 芫胡 白木 欵花 桔梗 麥門冬

黃芩各半 川芎 阿膠各三 右水煎生姜三片

肺癰為何口中辟又燥欵即胃中隱又痛脉反滑数或数实者

欵為肺癰也○已破入風者不治○用枝風湯吐之收欵瘡口

止有合歡樹皮白欵煎飲之合歡即槿樹皮也

桔梗湯 治肺癰咳嗽濃血咽乾多渴大小便赤澁

桔梗 貝母 芎歸酒洗 瓜蒌仁 枳壳炒 桑皮蜜水

薏苡仁 防己各八 甘草即生 杏仁炒 百合各半 黃芪各半

右咀每服五錢水煎生姜五片大便秘加大黃小便秘加木通

圓參飲子 治七情及饒飽失宜致傷脾肺咳嗽膿血漸成勞瘵

人参 紫苑 阿膠蛤粉 百合 細辛 欵花

經霜桑葉 杏仁炒 天門冬去心 半夏 五味各一

甘草炙半 每服四錢水煎生姜五片○氣嗽加木香○唾血而

熱加生地黃○唾血而寒加鍾乳粉○瘦極咳嗽加黃芪○疲

服咳血加沒藥藕節○痰逆服滿不食加白木○咳而小便多

者加益智○欵而面沉氣逆加沉香橘皮

○消渴第三十三

消渴○養肺降火生血為主○分上中下治○二消皆禁用半夏

又方 黃連末 天花粉末 藕汁 人乳汁 生姜汁

右後三味汁為膏入前二味搜和佐以姜汁和蜜為膏徐又留
 舌上以白湯少許送下。○能食者加軟石羔。○消渴若泄瀉先
 用白朮芍藥炒為末調服後却服前藥。○內傷病退後燥渴不
 鮮有餘熱在肺經可用參芪甘草少許生姜汁調冷服或以茶
 匙挑藥汁與之虛者可用人參湯。○天冬粉消渴神藥也。○上
 消者肺也多飲水而少食大小便如常。○中消者胃也多飲水
 而小便赤黃。○下消者腎也小便濁淋如膏之伏面黑而瘦。○
 水包天地前輩嘗有是說矣然則中天地而為人水亦可以包
 潤五藏乎曰天一生水腎實主之膀胱為津液之府所以宣行
 腎水上潤於肺故識者肺為津液之藏自上而下三焦藏府皆
 圍乎夫一真水之中素問以水之本在腎末在肺者然也真水

不竭安有所謂渴哉人惟淫欲恣情酒麪無節嗜炙煇糟藏
 鹹酸醃醢甘肥腥羶之屬復以丹砂玉石濟其私於是火炎上
 熏府藏生熱燥熾盛津液乾焦渴飲水漿而不能自禁。○其熱
 氣上騰心虛受之心火散漫不能收斂胸中煩燥舌赤唇紅以
 渴引飲常多小便數以少病屬上焦謂之消渴。○熱蓄於中脾
 虛受之伏陽蒸胃消穀善飢飲信常不生肌肉以渴之甚煩但
 欲飲冷小便數而甜病屬中焦謂之消中。○熱伏於下腎虛受
 之腿膝枯細骨節酸疼精走髓空引水自救以渴水飲不多隨
 即溺下小便多而濁病屬下焦謂之消腎。○又若強中消渴其
 斃可立而待也治法總要傍以白朮散養脾自津液兼用好糯
 米煮粥以膾肉碎細煮服以養腎則水有所司又用淨黃連温

剉入雄猪肚中密札於斗米上蒸爛添些蒸飲白中杵粘丸如
梧桐子大每服百丸食后米飲下可以清心止渴。東垣曰膈
消者以白虎加人參湯治之。中消者以調胃承氣湯二黃丸
治之。下消者以六味地黄丸治之。

扶元丸 治三消渴通用之治白濁

免絲子酒浸一 北五味七 白茯苓五 石蓮肉三

右為末糊丸梧桐子大每服五十九丸米湯下

麥門冬飲子 治膈消胸滿煩心津液乾少短氣而渴

知母 甘草炒 瓜蒌 五味子 人參 乾葛根

生地黃 茯神 麥門冬 右咬咀水煎入竹葉四十片

加味錢氏白朮散

人參 白朮 茯苓 甘草炒 枳壳炒各 藿香一

乾葛一 木香 五味子 柴胡二分 作一服水煎服

地黃飲子 治消渴咽乾面赤煩燥

甘草炒 人參 生苾 熟苾 黃芪 天門冬

麥門冬去 澤瀉 石斛 枇杷葉炒 每服五錢水煎服

加減八味丸 治腎虛消渴引飲

內減附子加五味子要路治男子消渴小便反多者仍用本方

清心蓮子飲 治渴而小便濁或澀

黃芪 麥門冬 地骨皮 車前子 甘草各二 蓮子

茯苓 黃芪 柴胡 人參各半 右咬咀水煎服

川黃連丸 治渴

川黃連五 天花粉 麥門冬去心各二升半

右為末生地黄汁并牛乳夾和搗丸梧桐子大每服三十九粒米湯下

土泉丸 治煩渴口乾

麥門冬去心 人參 茯苓 黃芪半生半蜜炙 烏梅焙

甘草各一 瓜蒌根 乾葛各一 升半

右為末蜜丸如彈子大每服一九温湯嚼下

○霍亂第三十四

內有所積外有所感致成吐瀉仍用二陳湯加減作吐以提其氣皆非鬼神皆屬飲食前人確論乃陽不升陰不降乖隔而成切莫與米湯與之即死脉多伏欲絕或用樟木煎湯吐之亦可○

大法生姜理中湯最好不渴者可用如渴者用五苓散有吐者以二陳湯探吐亦有可下者○轉筋不住男子以手挽其陰女子以手牽乳近兩旁以千金妙法也○轉筋皆屬乎血熱四物湯加酒苓紅花蒼朮南星煎服○乾霍亂者多難治死在須臾升降不通多以吐提其氣極是良法世多用鹽湯此係內有物所傷外有邪氣所逼有用吐者則是發散之義有用温藥解散者不可用涼藥于後二陳湯加解散藥

二陳湯 加川芎 蒼朮 防風 白芷

右改咀姜五片煎服

○霍亂之後揮霍變亂起於倉卒多因夾食傷寒陰陽乖隔上吐下利而燥擾痛悶是其候也偏陽則多熱偏陰則多寒○

未危甚風燭其溫霍亂死者少乾霍亂死者多蓋以所傷之物或因吐利而盡泄出則止故死者少也夫上不得吐下不得利所傷之擁閉正氣閉隔陰陽其死者多○霍亂熱多而渴者五苓散○寒多而飲水者理中湯○或有寒腹滿而痛四肢拘急轉筋下利者以理中湯加生附子官桂○中暑霍亂煩燥大渴心腹攪痛四肢冷汗出脚轉筋用霍香散千金云轉筋者用理中湯加火煨石羔

木瓜湯 治霍亂吐瀉轉筋攪悶

木瓜 二刀 茴香 二刀半 微炒 甘草 二刀 吳茱萸 洗焙七

右咬咀每服四錢水盞半姜五片烏梅少許煎溫熱服

丹溪心法二卷終

